

მწყემსი

საქართველოს
საგარეო ურთიერთობების
სამდივოს



მე ვარ მწყემსი კეთილი: მწყემსმან კეთილმან სული თვისი დასდვის ცხოვართათვის. იოან. 10—11.
 მხოვე ცხოვარი ჩემი წაწყმედული. მსრუთ იყოს სიხარული ცათა შინა, ერთისათვის ცადვილისა. ლუკ. 15—4.
 მოვედით ჩემდა ყოველნი მაშურაინი და ტვირთ-მიძიებნი და მე განგისვენათ თქვენ. მათ. 11 28.

№ 11

1883—1898

15 ივნისი.

გ ა ზ ე თ ი ს ო ა ს ი:

„მწყემსი“	„მწყემსი“ რუსული გამოცემით
12 თეთი 3 მან, 12 თეთი 5 მან,	
6 — 2 — 6 — 3 —	
ფულისა და წერილების გაგზავნა შეიძლება ამ ადრესით, В. Капицы, в редакцію „Мислени“ и „Пастыр“.	


შელო სტატიები და კორესპოდენციები, რომელნიც იკმნებიან დასაბუქდავით გამოგზავნილნი, ვრცლად და გასაგებად უნდა იყვნენ ავტორათვან ხელ-მოწერილნი.

სტატია, რომელიც არ დაიბეჭდება, სამი თთვის განმავლობაში შეიძლება ავტორებს მათის ხარჯით უკანვე დაუბრუნდეს სტატიები მიიღებიან რუსულს ენაზე დაწერილნიც და თარგმნით დაიბეჭდებიან.

გასილი იგანეს მე შემეიჯინი საქართველოს საექსპონოზოში.

სწორეთ ცამეტი წელიწადია მის აქეთ, რაც უმაღლესი ბრძანება გამოიცა საეკლესიო-სამრევლო სკოლების დაარსების შესახებ. ცამეტი წელიწადია, ხელი რუსეთის იმპერიის სასულიერო წოდება შექმნილსადაგვარად იღვწის ქრისტეს ყანაში და ჰე-ზარტი სინათლე და გონებითი განათლება შეაქვს

ხალხში. დღიდან დაარსებისა ამ საეკლესიო-სამრევლო სკოლებს აღმოუჩნდნენ შტერნი, რომელნიც ყოველივე ზომას ხმარობენ, რომ ამ სკოლების დაარსებას ხელი შეუშალონ. ეს ბრძოლა ისე საგრძნობელი და შესანიშნავი არ არის შეუგულ რუსეთში, როგორც განაპირა მხარეებში და განსაკუთრებით ჩვენში. ამისათვის ფრიად საჭიროა, რომ ამ განაპირა ადგილებს უმეტესი ყურადღება ჰქონდეს მიტყეული მთავრობისაგან. უმაღლესი მთავრობა, შექმნილისადაგვარად, თვალყურს ადევნებს ჩვენს გა-





ნაპირა ქვეყანას და არა მიმხედველი მისა, რომ ყოველ წლობით ტყობილობს საექკლესიო-სამრევლო სკოლების მდგომარეობას წლიური ანგარიშებიდან, დრო და დრო გზავნის დანდობილ პირებს ხსენებული სკოლების დასახედავად. ეს პირები ადგილობრივ იკვლევენ სკოლების მდგომარეობას და მათ საპირისპიროდ, 1895 წლამდე სამრევლო სკოლების ერთად ერთი ერთგული მეთვალყურე მთელს რუსეთის იმპერიაში იყო ბ. ვასილი ივანეს ძე შემიაკინი, 1895 წელს გამოცხადდა უმაღლესად დამტკიცებული წესდებულება სამრევლო სკოლათა გამგეობისა. დაარსდა ახალი წეს-წყობილება ეპარქიის სამოსწავლო რჩევათა მოქმედებისათვის, დაარსდა უმთავრესი სამოსწავლებლო რჩევა უწმ. სინოდთან, ეს რჩევა განაგებს საექკლესიო სკოლების სამოსწავლებლო ყველა საბჭოების საქმეს იმპერიაში. ყველა ეპარქიალურ რჩევათა და სამრევლო სკოლების მეთვალყურეთა უფროს მეთვალყურედ უმაღლესად დანიშნა ბ. ვასილი ივანეს ძე შემიაკინი, რომელიც ჯეროვან მეთვალყურეობას უწყევს სამრევლო სკოლებს და მათ საბჭოებს მთელს რუსეთში. იგი დამრძანდება მთელს იმპერიაში და თვალყურს ადევნებს სამრევლო სკოლების მდგომარეობას და მათ მართვა-გამგეობას.

1890 წელს ბ. შემიაკინი პირველად მობრძანდა ჩვენში და მათი წყალობაა, რომ დღეს ჩვენში სამრევლო სკოლებს საერობო ფულებიდან 12,000 მანეთი ეძლევა ყოველ წლობით.

ამა წლის 20 მარტს ბ. შემიაკინი გამობრძანდა პეტერბურგიდან დასავლეთის რუსეთის გუბერნიების სამრევლო სკოლების დასახედავად; აქედან ბ. შემიაკინი გაემგზავრა რომში. აქ მათ ადგილობრივ დადათვლიერებს ფრანგთა საზღვდლოების საექკლესიო სკოლები და ამ სკოლებში სახარებელი სახელმძღვანელოები, რომიდან ისევ სამხრეთ რუსეთში გაემგზავრა სამრევლო სკოლების დასახედავად, ხოლო იქედან მობრძანდა ფოთში. აქ მათ დადათვლიერებს ადგილობრივთა საექკლესიო სკოლები და მერე ქუთაისში მობრძანდა. აქ იგი დაესწრო ეპარქიალურ რჩევის სხდომას. შემდეგ დადათვლიერა ქ. ქუთაისში

არსებული სამრევლო სკოლები. ^{მარტო} ^{დღეს} ^{მთავრის} ^{დღეს} ^{მთავრის} ბინაზე მოახდინა კრება, რომელზედაც მიიწვია ზოგიერთი საპატრიო პირები, რომელთაც მისცა სხვადასხვა დარიგებანი და ღამის მატარებლით გაემგზავრა თფილისს. თფილისში დადათვლიერა სამრევლო სკოლები, ორ-სამ გზით დანიშნა სხდომა სამოსწავლო რჩევისა; ამ კრებაზე წევრებს გარდა დუსწრენ გარეშე პირნიც. ამ კრებაზე აღძრულ იქნა სხვადასხვა საპატრიო კითხვები სამრევლო სასწავლებელთა შესახებ. ხუთი დღის შემდეგ ბ. შემიაკინი რუსეთისკენ გაემგზავრა,

ჩვენ ვფიქრობთ, რომ ბ. შემიაკინის ჩვენს ქვეყანაში მოსვლა და მისი რჩევა-დარიგებანი, მიცემულნი სამოსწავლებლო რჩევათაძინ სამრევლო სკოლების მართვა-გამგეობის შესახებ, დიდ სარგებლობას მოუტანს საქმეს, თუ ყოველივე რიგიანად იქნა მოყვანილი სისრულეში. ბ. შემიაკინმა ურჩია სასულიერო მთავრობას, რომ მან საექსარხოსოსის სამრევლო სკოლებისათვის ოცი ათას მანეთამდე გამოითხოვოს საერობო ფულებიდან. საერო მთავრობაც, მინცა და მინც, უარს არ ეუბნება სასულიერო მთავრობას ამ თხოვნაზე. ჩვენი სამრევლო სკოლების დადათვლიერების და ამ სკოლების მოწაფეთა გამოცდის დროს ბ. შემიაკინმა შეამჩნია, რომ ქართული ენის შესწავლას და განსაკუთრებით ამ ენაზე ლოცვების შესწავლას ჯეროვანი ყურადღება არა აქვს მიქცეული. „არაინ არ თხოვილობს, ბრძანა ბ. შემიაკინმა, რომ ყმაწვილებმა მარტო სლოვიანურ ენაზე შეისწავლონ ლოცვები, და ქართულს ენაზე ლოცვების შესწავლას თავი დაანებონ. უფრო მოსაწონია, როცა ბავშვმა კარგად იცის ლოცვები როგორც თავის სამშობლო ისე სლოვიანურ ენებზე. მართებლობას სრულებით არა აქვს სახეში, რომ ქართულად ლოცვების კითხვა და ქართული გალობა მოსპოს. ყოველ ღამის ძიება უნდა იქნეს ხმარებული, რომ ძველებური ეკლესიური ქართული გალობა და საღმრთო სჯულის სწავლება ჯეროვანად იყოს დადგენილი და წარმატებული“.



ძლიერ სამწუხაროდ მიაჩნია ბ. შემიაკინს, რომ სამრევლო სკოლების მასწავლებელთ მოსწავლეები არ დაჰყავთ ეკლესიაზე წირვა-ლოცვის მოსასმენად ზე საღმრთო სჯულის სახელ-მძღვანელოებსაც ბევრგან სხვა-და-სხვას ხმარობენ ზოგიერთ ადგილას საღმრთო სჯულის სასწავლო წიგნათ გაუხდიათ ისეთი წიგნები, რომელნიც უწუხ. სინოდისგან საღმრთო სჯულის სწავლების დროს დამხმარე წიგნებად არიან მიღებული და არა სახელმძღვანელოდ... ბ. შემიაკინმა ბევრი საექვო კითხვა განუშარტა როგორც სამრევლო სკოლების სამოსწავლებლო რჩევას, აგრეთვე ხსენებულ სასწავლებელთ გამგეთაც (ეკლესიების წინამწღვართ), თუ რა დიდი უფლება აქვთ მათ და როგორ უნდა იქცეოდნენ მასწავლებელნიცა. „თუ სასწავლებლის გამგემ, ბრძანა ბ. შემიაკინმა, საბუქს წარუდგინა მისდამი რწმუნებულ სკოლებში განსაწესებლად მასწავლებლის ადგილზე ისეთი კაცი, რომელსაც აქვს ყოველივე უფლება, რაც კი სამრევლო სკოლის მასწავლებლისგან ითხოვება, საბუქს ნება არა აქვს, რომ ამ კაცს უარი უთხრას და მის ადგილზე ისეთი ვინმე განაწესოს, რომელსაც სკოლის გამგე ვერ იცნობს. ამისთანავე სამრევლო სკოლის მასწავლებელი ჯეროვანის პატივით უნდა ექცეოდეს სკოლის გამგეს“. ზოგიერთ ადგილას, სამწუხაროდ, სამრევლო სკოლების მასწავლებელნი ურიგოდ ეპყრობიან გამგეთ და სრულებით არ უსმენენ მათ...

ბ. შემიაკინი დიდ სარგებლობას მოელის მასწავლებელთა პედაგოგიურ კურსებისგან, რომელნიც ყოველ წლოებით იმართებიან ეპარქიის ქალაქებში. მართლაც რა უნდა ჰქნას საწყალმა მასწავლებელმა მიყრუებულ სოფლებში, ვის დაეკითხოს, რომ რივიანად მოაწყოს სწავლების საქმე მისდამი რწმუნებულ სკოლაში? მაგრამ არ უნდა დაევიწყოთ, რომ ამ კურსების თავის დროზე მოხდენას და მათ ხელმძღვანელობასაც დიდი თავიანობა უნდა. მარტო ის არ კმარა, მასწავლებელმა გზის და ხარჯის ფუ-

ლები მიიღოს ამ პედაგოგიურ კურსებზე დასწრებისათვის.

ბ. შემიაკინს შეუნიშნავად არ დარჩენია ის გარემოებაც, რომ ქუთაისის გუბერნიაში ადგილობითი მღვდელ-მთავრებს დანიშნულნი არა ჰყავთ სასულიერო წოდების პირნი, რომელთაც თვალყურნი უნდა ადევნონ საღმრთო სჯულის სწავლების საქმეს საერო პირველ დაწყებითი სკოლებში.

ერთი სიტყვით, ბ. შემიაკინის ჩვენში მოსვლას სასარგებლო შედეგი ექნება, თუ მისი რჩევა და დარიგებანი სისრულეში იქნენ მოყვანილნი ვისგანაც ჯერ არს.

დკვ. დ. ლამაშაძე.

ახალი ამბები და შენიშვნები.

წელს ქუთაისის კლასიკურ გიმნაზიაში ოქროს მედლით დაასრულა კურსი ორმა ქართველმა: კონს. მ. ჩარკვიანმა და ბ. გველოშვილმა.

ქუთაისის სასულიერო ოთხკლასიან სასწავლებელში წელს კურსი დაამთავრა 78 მოწაფემ. მათში 27 ყმაწვილი იქმნა გავზავნილი ქუთაისის სასულიერო სემინარიის პირველ კლასში.

ქუთაისის საფირჩხიის ეკლესიაზე გამოყვანილი იქმნა მღვდლად ბლაღოჩინი ჩხარასა-საბლაღოჩინო ოლქისა მ. ივლიანე აბესაძე, ხოლო მის ადგილზე გადაყვანილი იქმნა მღვდელი ლავრენტი ფერაძე.

ყოვლად სამღვდლო ალავერდის ეპისკოპოსო ბესარიონი იმერეთის ეპარქიის ეპისკოპოსად დამოტყიცებულ იქმნა.

15 თიბათვის ტფილისში დაიწყება საზაფხულო საპედაგოგო კურსები ქართლ-კახეთის საეკლესიო-სამრევლო და წერა-კითხვის სკოლების მასწავლე ბელთათვის და გათავდება 15 მკათათვის. საგნები სწავლებისა კურსებზედ იქნება: მეთოდისა საღმრთო სჯულისა, რუსულისა და ქართულის ენისა, ანგარიშისა და პრაქტიკული მეცადინეობანი საეკლესიო-სლაივიანურს და საეკლესიო-ქართულს გალობაში, საეპარქიო სამოსწავლო საბჭომ კურსების გამგეობა და მეთაურობა მიანდო ქართლ-კახეთის საეპარქიო სკოლების მეთვალყურეს ბ-ნს ნ. გ. ტატიშვილს, იმის თანა შემწეებად-კი დანიშნულ იქნენ ტფილისის სასულიერო სემინარიის მასწავლებელი ი. ფერაძე და სასულიერო სასწავლებლის მასწავლებელი ბ-ნი ანტონ ნატროშვილი. საეკონომიო ნაწილის გამგედ კი დანიშნულ იქნა—ადგილობრივის სემინარიის ეკონომი მღვდელი გიორგი ჩაგუნავა. ლექტორებად ჯერხანად დასახელებულნი არიან: რუსულისა და ქართულის ენისა—ბ-ნი ფერაძე, ანგარიშისა—ბ-ნი ნატროშვილი... საეკლესიო-სლაივიანურს გალობას ასწავლის კურსებზედ ტფილისის საეკლესიო-სამრევლო სკოლების გალობის მასწავლებელი ბ-ნი შარაბიძე და საეკლესიო ქართულს გალობას-კი—მღვდ. ვასილ კარბელაშვილი. კურსებზედ გამოწვეულია სამოცამდის მასწავლებელი ქალი და კაცი, კურსების გამართვას უნდება სამასი თუმანი, რაიც უკვე გამოგზავნა უწმიდესმა სინოდმა. («ივერია»)

* *

საერო განათლების სამინისტრომ შეიწყნარა შუამდგომლობა ქ. ოზურგეთში ვაჟთა პროგიმნაზიის დაარსების შესახებ იმ პირობით, რომ პროგიმნაზიის შესანახ ხარჯის ნახევარი იკისროს ადგილობრივმა საზოგადოებამ. როგორც ვიცით, ოზურგეთმა მომავალ პროგიმნაზიას აღუთქვა უფასო სადგური და მუდამ წელს ფულით დახმარება. ამას გარდა ოზურგეთის მოურავს განზრახვა აქვს მონაწილეობა მიიღებინოს ამ საქმეში სოფლის საზოგადოებათ.

* *

ჩვენ მივიღეთ რუსულითგან ნათარგმნი წიგნი «სამღეთო სჯულისა და მცნებათათვის მართლ-მადიდებელ კატეხიზმოს სახელმძღვანელოსამებრ», დეკტრე სმირნოვისა, თარგმნილი დეკ. პეტრე კონ-ქოშვილის მიერ. ძლიერ საინტერესო იყო შეგვეტყუო, თუ ვინ არის ეს კონქოშვილი, ან სად მსახურებს იგი, მაგრამ ჯერჯერობით ვერ შევიტყვეთ. წიგნი სუფთად არის დაბეჭდილი, შვიცავს 151 გვ. და ღირს ექვსი შაური...

* *

მივიღეთ აგრეთვე წიგნი «ლექსთა კრება დღიურ ვარამზე», თქმული სოგრატ ხუსკიავისაგან. ვასაოცრად იმატა ამ ბოლო დროს ჩვენში «პოეტებმა».

* *

მივიღეთ აგრეთვე პატარა წიგნი «ქართული საერო და სასულიერო კილოები», ისტორიული მიმოხილვა მღვ. პოლ. კარბელაშვილისა. წიგნი სუფთად არის დაბეჭდილი, შესდგება 97 გვერდისაგან და ღირს ათი შაური. წიგნი საინტერესოა წასაკითხავია განსაკუთრებით სასულიერო წოდების პირთაგან.

* *

სოხუმიდან საქართ. ექსარხოსს მაღალ-ყოფ. უსამღვდელოესს ფლამბიანესთან თხოვნა იქნა გავზავნილი იმის შესახებ, რომ ადგილობრივ საკათედრო ტაძარში ორ კვირაში ერთხელ წირვა-ლოცვა ქართულს ენაზედ სრულდებოდეს ხოლმე და ქართველ მრევლს მღვდელთ ქართულად გარდაუხადონ ხოლმე ყოველგვარი საეკლესიო წესიო. («ც. ფ.»)

* *

ქუთაისის სასოფლო-სამეურნეო სკოლაში ეგზამენები იქნება 25 ივნისისაღვე და ამ დღემდე მიღება თხოვნები ამ სასწავლებელში შესვლის მსურველთაგან.



საუპიტიპო საზოგადოება მკვლელთა ცხრმკვამის
განსაუფრობისათვის.

უკანასკნელს წლებში სასულიერო მთავრობა დიდ სამრევლოებში მღვდელ-მოსამსახურეთა რიცხვს უმატებს. მღვდელ-მოსამსახურეთა რიცხვის მომატებას ერთის მხრით ითხოვს მრევლთა სარგებლობა და მეორეს მხრით ის კარმოკობა, რომელი ბევრნი არიან მომხადებულნი სამღვდლოდ თუძვა სასულიერო მთავრობის ესეთი განკარგულება ხშირად დიდ სამრევლოთა მღვდლებს არ მოსწონთ, მაგრამ მწვემსთა რიცხვის განმრავლებას თან მოსდევს სამრევლოთა ცხოვრების განკარგება: მწვემსნი, რომელთაც ნაკლებად სვავებთ სხვა-დასხვა საეკლესიო წესთა აღსრულება, მომეტებული დროს შობებენ, რომ როგორც წირვა-ლოცვის დროს, ისე ღვთის-მსახურებას ვარძე დროს ხალხს დამწესონ, უფრო მომეტებული მონაწილეობას იღებენ სკოლების საქმეში, თავისუფლება ეძლევათ კვირა-დღესასწაულ დღეებში ხალხს უკითხონ სხვა-დასხვა სასულიერო მინაარსის წიგნები, ამ სახით მწვემსნი უფრო უახლოვდებიან და ეცნობიან სამრევლოთა, მღვდელ-მოსამსახურეთა შტატების გამრავლება ადვილებს აღსარების თქმის საქმეს: როცა მღვდელს ცოტა მრევლი ჰქვავს, იგი აღსარების დროს უფრო გულ დასმით გამოკითხავს თავის სულიერ შვილს მისი სულის ზღვომარობას, ნუკემს სცემს და შესაფერ დარიგებასაც მისცემს.

მხოლოდ ერთი შეიძლება ითქვას შტატების გამრავლების წინააღმდეგ და სახელდობს ის, რომ იმ კრებულში, სადაც ბევრი მღვდლებია,

იბადება უთანხმოება. მლიერთა კაცთა ნათესავის შტერი და ის განსაკუთრებით ცდილობს დანერგოს შტობა ეკლესიის მწვემსთა შორის, ხშირად ერთი მწვემსის კეთილი განსრავება მეორე მის ამხანაგს თავის საწინააღმდეგოდ ეჩვენება და ეს იწვევს მათი შურს და განსეთქილებას.

მაგრამ სამღვდლოდ მომხადებულთ თუ კარგი განათლება ექნათ მიღებული სასულიერო სემინარიებში და მათი მოსაბილ იქნა ერის კაცთა წვრილმანი თავმოყვარება, მაშინ იმედი უნდა ვიქნით, რომ სულიერ მწვემსთა შორის ეოველივე განსეთქილება და შური მოისპობა, მით უმეტეს რომ ასეთი შური და უთანხმოება მწვემსთა შორის მლიერ ცუდით მოქმედებს სამრევლოთა ზედა.

ამ ზემო ნათქვამიდან ის დასკვნა გამოდის, რომ თუძვა შტატების გამრავლება, თითქო, ერთის მხრით მავებელია, რადგან ერთ ეკლესიაში ბევრ მოსამსახურე მწვემსთა შორის იბადება შური და უთანხმოება, მაგრამ მეორეს მხრით შტატების გამრავლება მლიერ კეთილი საქმეა.

სასიკეთოდ ამ საქმეში ჩვენ ახალი ტომების აღმენება მიგვანია სამრევლო ეკლესიებიდან მოშორებულ სოფლებში და ამ ახალი ეკლესიებისადმი ცალკე მრევლის მინსაკუთრება. ეს უკანასკნელი საზოგადოება იმით არის კარგი, რომ იგი კრებულთა შორის არ იწვევს არაფითარ უთანხმოებას და შურს და არც კრებულთა შემოსავალს ამცირებს.

სამრევლოების გამრავლების საქმეც ზელს უწევს მწვემსთ, რომ მათ მომეტებული დრო მოახმარონ სიტყვა-ქადებას და აღსარების

დროს მომეტებული უნდადგება მიაქციონ თავინათ სულიერ შვილთა სულის მდგომარეობას. გარდა ამისა სამრევლოების გამრავლება დიდ საღვათს აძლევს როგორც მწიქმსთ ისე მრევლთ.

თითოეულ დიდ სამრევლოში მოინათებიან რამდენიმე ჰირნი, რომელნიც სრულებით მოკლებულნი არიან სულიერი მწიქმის კეთილ ზედგაღენას. ასეთ ჰირთ განსაკუთრებით ისინი ეკუთვნიან, რომელნიც მომორებული არიან ტყუარსე და ამიტომ მგირად დაიარებიან ტყმარში, მათ არ ესმისთ სულიერი მწიქმის სიტყვა-მოდგერება, ნაკლებად ამბობენ აღსარებას და ზიარობენ. გამოცდილება გვიტყიცებს, რომ ასეთ ჰირთა რიცხვი უფრო მომეტებულია იმ სოფლებში, რომელნიც დამორებული არიან ვეკლესიებიდან. მრევლი, რომელიც ტყმარში არ დიარება, წავაგს უმწიქმთ დარჩენილ ცხურებს; ივინი მოკლებულნი არიან სიტყვა-ქადაგების მოსმენას როგორც ღვთის-მსახურების შესრულების დროს ისე ამ მსახურების გარეშე დროს. მწიქმს, რომელიც ვალდებულია თვალ-უური ადევნოს თავის სამრევლოის სარწმუნოებრივ ზნეობრივ მდგომარეობას, მლიერ ნაკლებად ასრულებს ამ მოვალეობას მორეულ სამრევლოებას მცხოვრებთა შესახებ. ი სოფლებში, რომელნიც დამორებული არიან ტყმრებს, მლიერ ნაკლებად არსდება საეკკლესიო-სამრევლო სკოლა. ერთ-კლასიანი სკოლების გახსნა ამისთანა სოფლებში შეუძლებელი სდება. როცა სკოლა ახლოს არის, მწიქმსთ ვოკვლოთვის შეუძლიათ სშირად შევიდენ მასში და თვალ-უური ადევნიან სწავლის საქმეს, ეს შეუძლებელია მდგდლი-

სათვის, თუ სკოლა შორს არის და სწავლობს სდება ცხენით მოგზაურობა. თუ მდგდელს თავისი ცხენი ჰვაგს, კიდევ კარგი, მაგრამ თუ ქირაობა სჭირდება, რითი იქირაოს, როცა მას სდრმით სჯულის სწავლებისთვის საეკკლესიო სკოლებში სამრეომელი არაფერი ეძლევა? ახალი სამრევლო საეკკლესიო სკოლების გამრავლება კი მლიერ საჭიროა.

ტყმარი არის ნავთ-საუფედლი, რომელიც იფარავს კაცს ურწმუნოებისა და მწვალებლობისაგან. რამდენათაც მომეტებული იქნება ტყმრები, მით უფრო საადვილოა ვეკკლესიის კრებულისათვის მისსიონერული მოღვაწეობა.

მრევლთათვისაც მლიერ სსარტეპლობა, როცა მათ ახლოს აქვსთ ტყმარი და მდგდელიც ახლოს ემოყვებათ, იმ სამრევლოებში, სადაც მრევლი 4—5 ვერსე არის დამორებული ტყმრადან, დიდი გაჭირდება ადგია საწუალ კაცს. ვთქვათ ემაწვილი დაბადა, საჭიროა მდგდლის დამსება, რომ სახლი მოაკურთხოს; სამხელოა აგრეთვე ემაწვილის ტყმარში წაუვანაც მოსახლთაგად და საზიარებლად.

ვთქვათ ვინმე აუად ვახსნა, საჭიროა მდგდლის მოუვანა, რომ აუადმოფი დამოდგროს და აზიაროს. მახლობელი სამრევლოები ეოველივე ამას ადვილად ასრულებენ, ხოლო მორეული სამრევლოები მდგდლის დამსებას სდებენ ერთი დღიდგან შერე დღისათვის: შეიძლება, კიდევ მორჩესო! სშირად მდგდელი იმ დროს მოდის, როცა აუადმოფი ნახევრობით უვე კაცივებულია.


მოხრდილ ჰირთა დანაფლავების დროს გარდაცვალებულთა ნათესავებს სურთ, რომ მიცვალებულს წინ მდგდელი გაუმდკეს. მაგრამ



მორეულ სოფლებში მღვდელი სმირად არ თანხმდება წასვლას. მიცვალებულს მიუძღვის წინ მთავარ-დიაკონი, ანუ შეღავათი. მაგრამ ამ ზიროს მოკვანისათვისაც საჭიროდ ხდება მისგლამოსება. ეკლესიური წესების შესრულება საჭიროა მართლ-მადიდებელთა ეკლესიასთან ერთობისათვის. საჭიროა ეს კარგად გავისხეინოთ, სანამ დაგვიანებული არ არის!

ეჭვს გარეშეა, რომ ტაძრიდან დამორებული სოფლების მცხოვრებთ სურთ თავისი საკუთარი ტაძარი იქონიონ. მაგრამ სად შეუძლიანთ საწულებს ეს ნატვრა თავის თავად აისრულონ? ახალი ტაძრის აშენება საკმაოდ სიმძიმითა საქმეა: საჭიროა ჯეროვანად განჩინების შედეგად ტაძრის საჭიროების შესახებ, უნდა მოზაბებულ იქნეს ეკკლესიის ასაშენებლად ადგილი, საჭიროა გეგმის და ხარჯთა აღრიცხვის შედეგად; საჭიროა ხდება სასულიერო მთავრობასთან მიწერ-მოწერის გამართვა, უნდა გამოთხოვნილ იქნეს წიგნაკი კეთილ მნებულ მწირობელებთან შესაყრებლად და მრავალი სხვა ამისთანები. ამ საქმეებში გაუნათლებელ კლესებს უნდა დაეხმარონ განათლებულნი ზირნი, განსაკუთრებით მრევლის მღვდლები. სწორეთ მწიქმით ეკუთვნიანთ ამ საქმის მოთაობა და წარმოება. დღემდე ამ საქმეში შესაფერ დახმარებას მღვდლები არ უწყვენ მრევლთ, ვინაიდან მათი სამრევლო უმცირდებათ და აქედან მათი შემოსავალიც კლებულობს. მაგრამ იმის გამო რომ ერთხელ სამრევლოებში მღვდელთ-მოსამსახურეთა მტატებს უმატებენ, ახალი ტაძრების აშენება და სამრევლოების გასწრა საჭიროდ ხდება.

ახალი ტაძრები და ახალი შესაფერად მოწყობილი სკოლები—აი რაა, განსაკუთრებით საჭირო ჩვენთვის და ვინც ამ საქმეს ჯეროვანად წინ წაუძღვება, იგი დიდ სამსახურს გაწევს ჩვენს ხალხს.



წადილი რამაბროტისა.

ერთხელ ყოვლად სამფეველო განსვენებულ გაბრიელ ეპისკოპოსთან მივიდა ერთი მათ მეუღებასთან დაახლოვებული, და გავლენიანი სამფეველო ჰირი და მოახსენა შემდეგი: ეუმუობესი იქნება, თქვენა მეუფებავ, რომ მწუხრის და ცისკრის ღოცვაზი ჩვენ, სოფლის მფეველება ერთათ ვილოცოთ სოფლის ეკლესიებშითა, რადგან ცისკრის ღოცვაზე სოფლის მცხოვრებნი დაპით მაგრე რიგად ვერ მოდიან, და ვერ ისმენენ, რადგან ცისკარი ადრე, გათენებისას, სრულდებათა? განსვენებულმა ყოვლად სამფეველო გ ბრიელმა ცოტა დაფქრების შემდეგ ბრძანა: „ლოცვები ხალხს საჭიროებისთვის არის დაწესებული, და თუ კი თქვენ ამას უმჯობესად ზოგებთ, და ხალხიც ისურვებს, შეგიძლიათ მწუხრის და ცისკრის ღოცვები სად მოთობით ერთად ილოცოთ ისრე, როგორც ქალაქის ზოგიერთს ეკლესიებში სრულდებათა, მათი მეუფების სიტუები მაშინვე ეფავსავით მოეფინა რმერთის ევარქის სამფეველოებაში. მას შემდეგ დღემდის რმითად გ იგონეთ ძველ ჩვეულებრივ სასაბოგნო ზარტახებას დ დიო, გათენებისას კვ რა-უქე დეებში; მათს მოდეს მფეველი ეკლესიაზე წირვის დროზე, მაგრამ შეძლება ამ დღეს მფეველმა არც კ სწიროს, თუ რომ მრევლმა ახლად მიცვალებული არა ვინა ჰეავს. ამ დღეს შეა დღის მესამე ანუ მეოთხე საათზე დაარეკვინებს მეფავითნეს ზარას, და შეუფება მწუხრის ღოცვს და ზედ მოაბამს ცისკრის ღოცვასაც. ვინ მივა ამ დროს ღოცვის მოსამენლად ეკლესიაში? სრულდი და რევიინ. ან კი ვინ უნდა მოვიდეს, რადესაც ხალხი, მა-

მა კაცნი ღ დაედაკაცები მზის დასვლამდის უველა-
ნი მუშაობაში არიან გართულნი. ერთის საათიც
ძვირად უფირს მუშა ხალხს, და ამიტომ იგ
მუშაობას არ მიატოვებს, და ღოცვაზედ არ
წავა. მე ბევრჯელ გამოვინა: ხალხისაგან საუვე-
დური მდვ ღელზედ: „რიითვის მოგვ-სპეს ძველის
დროიდან დაწესებული თავის დროზე ცისკრის
ღოცვაო?“. ამ საუვედურზე ახალ ნაკურთხი
მდვდღები შემდეგ ვასუხს იძლევიან: „ჩვენ მთავ-
რობასაგან ასრე გვაქვს ბრძანება და გადვც სრე
სჯობსო“. მ გრამ თუ დ-უგვირდ ბით ხალხის
ცხოვრებას, დავრწმუნდებით, რომ მწუხრის და
ცისკრის ღოცვების ერთად შესრულება არ არის
რივიანი. ვინ არ იცის, რომ მუშა გლეხი შაბ-
თობით მუშაობს და კარგად მზის დასვლამდის
ხედს არ აიღებს მუშაობაზე, და კიდევ რომ
ხელი აიღოს, დადლიდ დაქანცული როგორდა
მივა ეკლესიაზე ღოცვისთვინ და გადვც რომ
მოვიდეს, განა შესაძლოა ორივე ღოცვების ერ-
თად მოსასმენად დადლიდ კაცს ფეხზე გ-ჩ-
რება? ნ ხევაწზე მომეტებული ღოცვების რიმ
გამოტოვოს მდვდღემა, მაშინაც კი გ-უძნელ-
დება დადლიდს მსმენედს ორივე ღოცვის
ფეხზე გაჩენება. ამიტომ თუ გვიანდა, რომ სოფ-
ლელი სულ არ გადაიწვიოს ღოცვების მოსმე-
ნას, უმჯობესია ისრე ილოცონ ეს ღოცვ ბ-
როგორც დიდის ხნიდამ დაწესებულია წმ. მა-
მთაგან: მწუხრის ღოცვა სადამოს ილოცონ
და ცისკრის დილა გათენებისას. დილით დავე-
ნებული გლეხი სიხარულით მოვა ტაძარში
ცისკრის მოსასმენად. სასურველია, რომ სამღვ-
დელობამ ამ საგნის შესახებ კარგად მოიფიქროს
და სოფლი: ხალხის სარწმუნოებისათვის საზა-
რ-ლო ახლად შემადებული წეს-წუთობიდება
მოსპოს და ძველებულად ილოცოს მწუხრი
სადამობით და ცისკარი დილაობით.

ძველი მღვდელი.



ქ. ეპხანი, და სასულიერო კონცერტის გამო.

(წერილი ყაზანიდამ)

დასასრული *).

ღიახ, ბატონებო, დროა თვითელმა ჩვენგანმა
შევიგნოს, რომ ძველი „კარ-ჩაკეტლობის“ დრო,
კარგა ხანია, წავიდა: დღევანდელი საზოგადოებრივი
ცხოვრება ჩვენგან, როგორც ერისგან ისე ბერისგან,
სულ სხვას მოითხოვს, სხვა პირობებში გვაყენებს,
და, ვიი მას, ვინც ამ პირობებს ვერ სცნობს და
მითდა შესაფერად არ მომართავს თავის ძალ-ღონეს,
თვის მოქმედებას! დროა, ჩვენმა სამღვდლოებამ
უკუავდოს ოჯახური კარ-ჩაკეტლობა, უჩვენოს
თავის ოჯახის წევრთ, რომ მათ ოჯახს გარეშეცა
აქეთ უფრო ღიდი და მრავალ მნიშვნელოვანი სარ-
ბიელი, რომ ოჯახურ ინტერესებს გარდა არიან
კიდევ ისეთი ინტერესები, რომელნიც მთელი წო-
ღების კუთვნილებას შეადგენენ და რომელთაგან
ზოგიერთი, როგორც მაგალითად, სასულიერო ახალ-
გაზღობის აღზრდა, უფრო ფართო საზოგადო მნიშვნე-
ლობასაც არაა მოკლებული... ეს ყველა კარგი,
შეიძლება გვიბრძანოთ თქვენ: მაგრამ სადაა საშუა-
ლება, რა ღინის-ძიებებს უნდა მიმართოს დღევან-
დელმა სამღვდლოებამ, რომ იმ ძველ სენს თავი
დააღწიოს? ღიახ, სადაა საშუალება,—ი კითხვა,
რომელიც უსათუოდ ებადება თავში ყოველს ჩვენ-
განს, ვინც კი ჩვენი სასულიერო ოჯახების თანა-
მედროვე მდგომარეობას ჩაუკვირდება და მის ზნობ-
რივად ამაღლებას, გაუმჯობესებას მოისურვებს! სადაა
საშუალება?

ჩვენ არ ვიცით, ამ მოსაზრებით ხელმძღვანე-
ლობდა თუ არა რუსეთის სასულიერო წოდება,
როდესაც „სასულიერო კონცერტები“ შემოიღო,
მაგრამ რაც ჩვენ თანამათ შეგვიძლია აღვიაროთ, ეს
გადავსთ ის, რომ აღნიშნული ჩვეულება—საქველ-
მოქმედო მიზნით სასულიერო კონცერტების მართვა—
ჩვენი სამღვდლოების ოჯახებისთვის ერთს, მართა-
ლია, სუსტ, მაგრამ თანამედროვე პირობებში ერთად-
ერთ შესაძლო და ხელ-მისაწვდომ საშუალებათ უნდა
ჩაითვალოს აღნიშნულ სენთან საბრძოლველათ. ჩვენ



აქ არ გამოუდგებოდა ყველა იმ სასარგებლო შედეგების გამოკვლევას, რომელიც ყოველთვის თან მისდევს ხოლმე იმ გვიან საზოგადო დაწესებულებას, როგორცაა, სხვათა შორის, აღნიშნული სასულიერო კონცერტებიც: ვკონცერტ, საკმაო იქნეს მოკლეთ აღნიშნოთ, რომ სასულიერო კონცერტებზე დასწრება ჩვენს სამღვდლო ოჯახების წევრთა რამოდენათმე, ცოტათ თუ ბევრათ მაინც, გაუღვიძებდს თვით ცნობიერებას: კონცერტზე მიმავალთ, მათ კარგათ ეცოდინებათ, თუ რა დანიშნულებაც ეძლევა მათს, ბილწებში ვასულის, ხარჯს, — შეიტყობენ და შეიგნებენ, რომ ოჯახს გარდა მათ არა ნაკლებ საზოგადოებრივ საგანი ოჯახს გარეთ — სასწავლებლებში ჰყოლებიათ, — და, თუ ამასთანავე კონცერტს გამოაცილ პირთაგან სასარგებლო წერილების კითხვაც ზედ დაერთო ხოლმე (როგორც ეს თითქმის რუსეთის ყველა ეპარქიაში ჰქონებიათ ჩვეულებათ), მაშინ, დარწმუნებული ვართ, სასულიერო კონცერტების მნიშვნელობა ერთი ათათ მოიმატებს, ვამოიერებ, — ამასთანავე, უუქველია, სასულიერო კონცერტზე შეკრებილ წრეში ტრიალი სამღვდლო ოჯახობისა არც მის ზნეობრივ მხარეებისთვისაც დარჩება უმნიშვნელოთ, — უუქველია, ერთ დარბაზში ერთათ შეგროვილი, ერთის მიზნათ და შეგნებით გამსჭვალული სასულიერო ოჯახათა წევრნი ერთმანეთის გაცნობას, ერთმანერთათან დახლოვებას მოსურებენ, შეეჩვევიან საზოგადოებაში გამოსვლას, საზოგადოებრივს ზრდილობას (რამდენათაც ამის მაგალითს სასულიერო კონცერტზე შეკრებილი საზოგადოება უჩვენებს მათ), თავს პატივს დასდებენ და ამ მხრით საყოფაქვეო იდეალის (მაგალითის) ძებნას იქ აღარ დაიწყებენ, სადაც იგი, კარგი ხანია, შინაარსს მოკლებულია და გამოუყულო...

მაგრამ, აქ შეიძლება, ავითი კითხვა დაგიყვინონ: ეგ კარგი — ტრეს კი აღბობთ, მაგრამ ღვინო სად არისო, ე. ი. სასულიერო კონცერტების გამართვას გვირგვინ, მაგრამ სადა გვაქვს იგეთი საგალობლები, საეკლესიო კილოები, რომელნიც თანამედროვე საზოგადოების ესტრუქტურის მოთხოვნილებას; გამოვინებას შესაბამებოდეს და აკმაყოფილებდესო? ამ კითხვას ჩვენც არა ერთხელ და ორჯერ ჩაუფიქრებიათ და, სხვათა შორის, ამან უფრო გავაზებდინა დღეს კოლონის ხელში აღება. საქმე იმაში გახლავსო, რომ სასულიერო-საეკლესიო საგალობ-

ლები ოთხ ხმაზე გადაღებული უკვე მოგვეპოება, მაგრამ მის გაგონებას ქართველი კაცი წელიწადში ორჯერ თუ ეღივება მეტჯელ-ვერა, და ისიც იმ პირობით, რომ, მოსმენის შემდეგ, ხმა ჩაიკმინდოს, რადგან ნება არა აქვს, როგორც ტაძარში ნაგალობებს, საფუძვლიანი კრიტიკა უყოს, ნაკლებოდანებები აღნიშნოს და ღირსებანი აქოს, გამოარკვიოს რომელი ახალი მოტივია უმჯობესი და რომელია მუსიკალურის ღირსებას მოკლებული, რომელი უფრო შესაბამება ეკლესიურს დანიშნულებას, ხასიათს და რომელი არა, — ერთი, სიტყვით, ბევრი კიდე ამისთანა რამეები, რისი ვარჩევაც და დაფასებაც ბეჭდური სიტყვით ჩვეულებრივ პირობებში მოუხერხებელია და თითქმის შეუძლებელიც. (სასულიერო კონცერტები კი, ამ მხრით, კარგ სამსახურს გაუწევენ მათ, ვისაც ჩვენში საეკლესიო გალობის ბედობალი აინტერესებს და საზრუნველ საგანს შეადგენს). საგალობლები კი ვახლავსო, მაგრამ საქირთა მათ უფრო მეტი აღავი დაეთმოს ჩვენს საეკლესიო პრაქტიკაში... ამ საგალობლების მუსიკალურ ღირსებაზე ჩვენ, ჩვენდა თავათ, მხოლოთ ის გვეთქმის, რომ მათი გავლენა კერძოთ ჩვენზე ძლიერი იყო; დღესაც ამოუშლელათ ჩაგვიჩენია გულსა და ხსოვნაში ის სასიამოვნო შთაბეჭდილება, რომელიც ჩვენ გამოვცადეთ შარშან წმიდა ნინობას სიონის საკრებულო ტაძარში, როდესაც ჩვენ ყველა დამსწრე მსმენელბთან ერთათ აღტაცებით ვისმენდით ქალავათა გუნდის მიერ საუცხოვოთ შესრულებულს: „წმიდაო ღმერთოს“, „შენსაზრგალობტოს“, „ღირს არსს“, „მამაო ჩვენოს“ და სხვ... დიახ დაუვიწყარი იყო ის წუთი! მაგრამ, ესეც რომ არ იყოს, განათვით ძველებური ჩვენი საეკლესიო მოტივები რათი ჩამოუვარდება ზოგს თანამედროვე ხელოვნურს საგალობლებს. „მამაო ჩვენო“ რა არის, იმერული «მამაო ჩვენო», მ. რაფენ ხუნდაძის «სადა კილოზე» ნაგალობები, და ასე გასინჯეთ, ამ სადა «მამაო ჩვენო» კი, წელს ყაზანის სასულიერო აკადემიაში წმ. ნინობას (14 იანვარს) ქართველ



სტუდენტთაგან შესრულებულმა, ალტაცებაში მოიყვანა არა ერთი და ორი დამსწრე პირი (რუსები). ამას გარდა, განა არ შეიძლება, რომ ქართულ მოტივებთან, რუსეთის საეკლესიო კომპოზიტორების საუკეთესო თხზულებანიც იქნენ აღსრულებული? ეს, არამც თუ შესაძლო, საკიროც იქნება! დიას, ბატონებო, «გული გულობდეს», თორემ საგალობლების საძებრათ შორს წასვლა არ დაგეჰქირდება... აქ საქმე ეხლა მხოლოდ საზოგადოების თანაგრძობაზე და სასულიერო გალობის მკოდნე პირებზე და მასწავლებლებზე ჰქიდა... ამ უკანასკნელთა მონდომებაში და თავ გამოდებაში ჩვენ არც კი ვეუბნობთ; ხოლო რაც შეეხება საზოგადოების თანაგრძობას, ამას ჩვენ მხოლოდ იმითანა პირებიდან, შეგვიძლია, მოველოდეთ, რომელთაც ქონებრივი შეძლება ნებას აძლევს და ისიც მხოლოდ მაშინ, როდესაც თვით აღნიშნული საქმეც ჯეროვანათ იქნება დაყენებული, როდესაც იგი თვით ვახდება თანაგრძობის ღირსი, ყოველ შემთხვევაში ჩვენ სამღვდლოებას მაინც არ უნდა ავიწყდებოდეს ის თვალ-საჩინო გარემოება, რომ საერთოთ ჩვენი თანამედროვე საზოგადოება იმდენათ შეძლებული არაა, რომ მას რაიმე ახალი ხარჯების ტვირთვა მოეთხოვეოდეს და, ამიტომ, თავის მდგომარეობის გაუმჯობესებას ჩვენი სამღვდლოება თავათე და თავის ქონებიდან უნდა ეცადოს, თავის ჯიბიდან უნდა გაიმეტოს რამოდენიმე წელი იგეთი საქველ-მოქმედო საქმისათვის, როგორცაა ახალ-გაზდობ-ს აღზრდა, სამრევლო და პირველ დაწყებითი სკოლების მასწავლებელ ქალ-ვაჟთა დახმარება, როგორც ეს ჩვენ ყაზანის სამღვდლოების მაგალითიდან დაინახეთ.

ამით ვთავებთ ჩვენს წერილს და ბოდიშს ვიხდით პატივცემულ მკითხველთან, რომ ამაზე უფრო მოკლეთ ვერ შევსძელით ჩვენი აზრის გამოთქმა.

დროებით ჩრდილოელი ს. გ.

1898 წელი. 24 მარტი.
ქ. ყაზანი.



აგვასის კერა
მაპა კაცი და დედაკაცი.

(რუსულიდან)

III.

გაგრძელება *).

ჭაბუკა ეკლესიაში.

ეს მესამე თავი — «ჭაბუკი ეკლესიაში», ჩვენის შეხედულებით, განუსაზღვრელია შინაარსით. «ჭაბუკი ოჯახში» და «ჭაბუკი საქმეზედ» იმასვე ნიშნავენ, რაც ეს მესამე თავია. ოთხმოცდა თვრამეტე მესელი ქრისტიანობრივ ეკლესიებში შინათლულიან, და თითქმის, ყველა ესენი, იმ ორიოდე პირთ გარდა, რომლებიც უარ ჰყოფენ ქრისტიანობრივ საიდუმლოებას, მაქხოვრის ეკლესიის წევრნი არიან. შობიდანვე გამხდარან «შვილი ღვთისანი» და მემკვიდრენი ზეციური სასუფეველისა. ბევრი ბოროტება წარმომდგარა და წარმოსდგება კიდევაც იმის გამო, რომ სიტყვა «ეკლესიას» ბევრ ნაირი მნიშვნელობით ხმარობენ. «ეკლესია» შენობა კი არ არის, სამღვდლოებისა, მღვდლებისა და მონაზონების მიერ აგებული, არამედ მსოფლიო სამწყსო ქრისტესი, და ის სხვა-და-სხვა სახეები მაქხოვრის მოძღვრების შეთვისებისა, რომლებსაც ცხედავთ, ნაწილები არიან ამ ერთი მიელი სამწყსოისა.

მაქხოვრის მხოლოდ ორ ხელ აქვს ნახსენები სიტყვა «ეკლესია», როგორც მოგვითხრობენ ოთხივე მახარებელი. მახარებელი მათეც ორჯერ ხმარობს ამ სიტყვას (XVI, 18, XVIII, 17), და მათ შორის ერთხელ ვიწრო აზრით აქვს ნათქვამი, ე. ი. როგორც საშლოტველო მორწმუნეთა. მათეს სახარების მეფრამეტე თავის მეწვიდმეტე მუხლში: «~~ხელო~~ უკეთუ მათი არა ისინოს, უთხარ ეკლესიასა». ეს უკანასკნელი სიტყვა მიუღს კრებულს ნიშნავს. მაქხოვარი მხოლოდ იმ სიტყვებში აძლევს სიტყვა «ეკლესიას» მსოფლიო მნიშვნელობას, რომლებიც მოციქულ პეტრეს უბრძანა: «ამას კლდესა ზედა აღვაშენო ეკლესია ჩემი». ამ სიტყვით არ შეგვიძლია ვიგულისხმობთ ესა თუ ის ეკლესია — კრებული, მით უფრო

*) იხილე «მწყემსი» № 5-6, 1898 წ.



რომისა. ბევრი საუკუნის განმავლობაში აღიარებდა ზალხის წინაშე თავის თავს უკოდვლად პაპა; მატყურობით იყო თუ სიყალბით, თუ ამაო თავმოყვარობით, თუ ძლიერებით მან მოიპოვა იმდენი ზედგავლენა, რომ მისი უბადრუკება სიწმიდით აღეარებინათ. მე მრწამს მხოლოდ ერთი ეკლესია, შედგენილი მთელ ქრისტიანე მორწმუნეთაგან, რომლებიც სცხოვრებდნენ და სცხოვრებენ დედა მიწის ზურგზედ. საიდუმლოება მაცხოვრის სისხლისა და ხორცის ის არის, რომ მათში ზეგარდმო კურთხევით მთელი მორწმუნენი შეერთდებიან ერთად. მე არ უღებ ამ რჩევას უბადრუკთა, მატყუართა, უმღეთთა, ცრუთა და ფიცის მტეხელთა. მე არ ვსწერ ამას იმითთვის, ვინც მათი ბიწირი, გახრწნილი სურვილების აღვირ ამხსნელი სარწმუნოებრივი და ზნეობრივი ქეშმარიტებანი უარყვეს, და შეიქმნენ ცოდვილნი, როგორც ისავე, რომელმაც ერთ კერძ შეჭამანდში გასცვალა პირველობა. მე არ ვამბობ იმითთვის, ვინც თავიანთი სურვილით უქირვეულად, ჩაფლულან გასაწყლებულ, გზა დაკარგულ მითამაშეთა და მენადლევეთა გუნდში; ან რომლებიც მთლად შეუპყრითა მომაკვლინებელ, პირუტყულ სურვილს ლოთობისას; ან რომლებიც თავიანთი ნებით ბილწავენ თავიანთ არსებას, სხეულს და მარად ეამ ცული ჰაზრითა და განზრახვით უკქერიან ყოველივე სიმწვენიერეს. მე ვაძლევ ამ რჩევას ყველა იმ ახალ-გაზდებს, რომლებსაც კიდევ შერჩენიან სულის სიღრმეში ნაპერწკალი იდეალისადმი მისწრაფებისა, ან ვინც ზოგჯერ სცდება კაცობრიული ბუნების სისუსტისა მებრ, მაგრამ ამავე დროს მხურვალე გულითა მისწრაფება მაღლისაკენ, კიდევ ითვლად მაცხოვრის მოწაფედ, მისი მხედრობის ჯარის კაცად, მისი მტილის მევენახედ, ერთგულ მონად მისი სახლისა.

სიმართლეს მოკლებულია ის თავის მართლებათა ვითომც ეკლესიური მოვალეობის ასრულებაში ხელს გვიშლიდნენ ცხოვრების მოთხოვნილებანი. ჩვენ ყველანი გარემოცული ვართ ათას ნაირი მოვალეობით, რომელიც ზრდის და აფართოებს ჩვენი მოქმედების სფერას. უწინარეს იწყებიან პირადი მოთხოვნილებანი, ის სამსახური, რომელიც უნდა გაუწიოთ ჩვენ მომაკვდავ სხეულსა, და უკვდავ სულსა. შემდეგ იწყებიან მოვალეობანი ოჯახისადმი: მშობლებისა და ნათესაებისადმი. აქედან გადადიან მეზობლებზე,

მრევლზე, ქალაქზე, გუბერნიაზე, კუთხეზე, ერზე და დაბოლოს, მთელს კაცობრიობაზე. იმ მოხელესაც კი შეუძლია რაღაც საუკუნო ღვაწლი გამოიღოს, რომელიც მხოლოდ უზნიშვნელო ნივთებს სქედს მივლს სიკაცხლეში გრდმღზე. თვით უზნიშვნელო მოვალეობანი დიდად ხდებიან, ვინაიდან ზნეობრივად სავალდებულონი არიან. ერთი არაბული თქმულება ამბობს: გულ მოწყალებ ოლღახმა გაგზავნა მთავარ-ანგელოსი გაბრიელი პირველად სოლომონ დიდას, რომ გეფთობილდებინა ის, და ცოდვაში არ ჩავედო, და შემდეგ ტვირთისაგან დაქანცული ჰინაქველის საშველად, რომელიც ტვირთს მოპყროლად ქვეშ. მთავარ-ანგელოზი ორივე საქმეს ერთნაირი ერთგულებითა და ყურადღებით მოეპყრო, ამბობს თქმულება, ვინაიდან უფალმა ორივეს ასრულება უბრძანა. ნურც ერთი ახალ-გაზდა ნუ ექირბის, ვითომც მისი ღვაწლი იმდენად წვირომანი იყვეს, რომ არც კი ღირდეს შრომად.

თავდაპირველად პატარა საქმეები ასრულეთ პატოსნადო, ამბობს სპარსული ანდაზა, და შემდეგ დიდი საქმეები თავის-თავად მოვადგებიან კარზედ და თითონვე გთხოვენ ჩვენც გაგაკეთეთოა. ამასვე ამბობს გორე გერბერტი:

„თუ ჩვენ ყოველივე საქმეს ღვთის მიერ დაწესებულად ვთვლით, მაშინ სამღვათო და წმიდა მოვალეობად მივიჩნევთ ქუქკიან საქმეში სამსახურსაც. მაშინ ოთახის დავვატ დიდ და კეთილ შობილურ საქმედ უჩანს ადამიანს, ვინაიდან ის დარწმუნებულა, რომ ღვთის მიერ დაწესებულ საქმეს ასრულებს“, და რობერტ ბრაუნინგი: „ღვთის წინაშე ყველა საქმეები თანასწორნი არიან, და ჩვენც, ავნიც და კარგნიც, დიდიდან უკანასწნელამდი მისი მონა და მხედრები ვართ“. თვით მაცხოვარმა ბრძანა: „რომელმან ასვას სასულიერო ერთი, წყალი გრილი, სახელისა ჩემისათვის, სასყიდელი მოეღოსო“, და „რომელსა უნდეს ღიდ ყოფად, იყავნ თქვენდა მსახურა“.

მლ. დ. ჩხაიძე

† ვერა ილარიონის ასული ჯაფარიძე.

„მკვდარა არ არის, ვინც მოკვდეს და ხალხს შესწიროს ღღენი; მკვდრად იგი თქმულა, ვისაც აქ სახელი არ დარჩენია“.

წარსული მისის 17 რიცხვს მიიბარა მიწამ ერთი პატიოსანი და ცნობიერი მუშაკი ქალი ვერა ილარიონის ასული ჯაფარიძე.—საზოგადოებას მოაკლდა ერთი ფრიად პატიოსანი, უანგარო, შრომის მოყვარე და კეთილი მისწრაფების და ნაყოფის მომტანი ადამიანი. დაკარგვა ისეთი ადამიანისა, რომელსაც ხალხის სამსახური აქვს მიზნად, რომელსაც უნუგვეშოთა, უცხოთა, უპატრონოთა და წყვდიადით მოკულ თანამოძმეთა კეთილ გზაზე დაყენება გაუხდია იდეალად და მზად არის „სანთელივითა დაიწვეს, და სხვას კი გზას უნათებდეს“, ასეთი ადამიანის დაკარგვა, ვიმეორებთ, სატიარალი და სამწუხაროა არა მხოლოდ მისი მშობლებისა და ნათესავებისათვის, არამედ თველი იმ საზოგადოებისათვის, რომელსაც იგი, (განსვენებულნი) ეკუთვნოდა. აი, ასეთ ადამიანზეა ნათქვამი ზემო მოყვანილი ჩენი პოეტის სიტყვები. განსვენებულს ვერას ოქროს მედლით ჰქონდა შესრულებული ქუთაისის საქალბო წმიდა ნინოს სასწავლებელი. როგორც განსვენებულის წინად, ისე შემდეგაც ბევრს დაუსრულებია სწავლა ხსენებულს სასწავლებელში ოქროსა და ვეცხლის მედლით, მაგრამ მათში საზოგადოება ვერ ხედავს განსვენებულის ვერას მსგავსებს. სწორედ ეს არის ყველაზე სამწუხარო, თორემ ბუნების კანონი ყოველთვის ასე ყოფილა და ასე იქნება—ერთი კვდება, მეორე იბადება. ჩენდა სამწუხაროდ გარდაცვალებულთ ვებუდავ და მათ მაგიერებს კი ვეღარ.


1898 წ. განსვენებულის ვერას შრომითა და სხვა მის თანამოაზრე პატიოსან მანდილოსანთა დახმარებით ქ. ქუთაისის ელირსა საკვირაო სკოლა, რომლის წყალობით არა ერთსა და ორს ბედისაგან დაჩაგრულს მისცემია საშუალება წერა-კითხვის შესწავლისა, და სადაც ღღენსაც მრავალნი ასეთნი იძენენ სწავლას, რომლის (სკოლის) კეთილდღეობისათვის არაერთარ შრომასა და მეცადინეობას არა ჰზოგავდა განსვენებულნი და კიდევაც შესწირა მას თვისი უკანასკნელი ძალ-ღონე...

გარდა ამისა მე, ამ სტრიქონების დამწერს, ნამკვრივილი მოწამე ვარ იმისი, რომ განსვენებული გარდასაკვირაო სკოლაში სწავლებისა, უფასოდ ასწავლიდა რამდენიმე ყმაწვილს (განურჩევლად სარწმუნოებისა და წოდებისა) წერა-კითხვისა და ანგარიშს, თავისსავე სახლში საღამოობით; აძლევდა აგრეთვე მოსწავლეებს სხვა და სხვა სასწავლო ნივთებს უფასოდ, მიუხედავად იმისა, რომ ქონებრივ საშუალებას თვითონაც მოკლებული იყო. 1896 წ. განსვენებული ვერა დინიშნა ქუთაისის გამბრიელის საეპარქიო საქალო სასწავლებელში მისწავლებლად. განსვენებულმა თავისი შრომა-ჯაფით ნაშრომი ფულით შესარულებია სწავლა ერთ ძმას ი—ნეს ქუთაისის გიმნაზიაში [რომელიც ეხლა უნივერსიტეტში სწავლობს], ხოლო მეორეს—ვ. ქუთ. სამეურნეო სასწავლებელში. განსვენებული აგერ, თითქმის, ერთი წელია მას აქეთ, რაც ფილტვების ანთებით შეიქნა ავად, ექიმები სწავლობდენ, მარა, სამწუხაროდ, ამოდ: უღმობელმა სენმა—ქოლერქმა მიიწი გამოგველიჯა იგი ხელიდან უღროოდ. თუმცა განსვენებული ნორჩი, ახლად გაფურჩქნელი ყვავილი იყო, რომლისაგან კიდევ ბევრ კეთილ ნაყოფს მოველოდით, როგორც ეს მოსალოდნელი იყო, მარა თამამად შეიძლება ვთქვათ, რომ განსვენებულმა საკმაოდ იმორეწა და საკმაოდ მიუწყო ხალხს ის, რაცა გადმოცემული ჰქონდა მისაწყავად და შექცეილი სწავლა ზოგიერთებსავე არ დაუმარხავს...

გტირის შენ შენი დედა და ძმები და მისთან გლოვობს შენს უღროოდ დაკარგვას შენი ამხანაგები, შენ, პატიოსანო, უწყინარო, სათნოებით სავსე, ძვირფასო ვერა!.. შენ მოკვდი, მოსცილდი ჩენს ერს, ჩენს ქვეყანას და იმ კუთხეს, სადაც ესამკალი ფრიად არს, ხოლო მომკალი მკირედა, მაგრამ შენი კეთილი საქმენი და ხსოვნა დაუვიწყარ იქნება შენს ამხანაგებსა და მოსწავლეთა შორის...

საუკუნოდ იყოს შენი ხსენება, თავის თავის უარმყოფელო, სხვების გზის მაჩვენებელო, კეთილო ადამიანო, ვერა!..

ბართლომე კალაძე





საქართველოს
წიგნების
კავშირის
საქართველო
კრულობით.

საისტორიო მასალა

საქართველოს

შევილი დროის თავგატანსავალი.

გაქრძელბა *.

აქა რუსუდან მეფისაგან წარვლენა წინაშე სიძის თვისა ძის-
წულისა თვისისა ლაშა გიორგის მეფის ძის დაეთისა მოკვლად
მისა, მაგრამ საღმრთოსა განგებთა მან იგი დავით არა მოკ-
ლა, არამედ პატივ სცა დიდად და უყვარდა.

გამოხდა ქამი არ დიდი რუსუდან იყო შეგებასა,
ლაშას ძე დავით ჰყრობილ ჰყო უპირებს დიდსა
ენგებასა,
თვისსა სიძესა მისწერა სულტანსა გაკადრებ ქებასა,
გთხოვ ესე ჩემი ძმისწული დავით სცე სახმილ-
გზებდასა.

მან პატივი სცა მეფის ძეს ვით მეფის გვართა
თვის ცოლ თამართან ამყოფა, ნუ გეშინ, ნულარ
წესი, ნულარ
კნესია,
ვიცი მამიდა რუსუდან შურით გიკვესა კვესა,
ეშმაკის რჩევას ყურს უგდებს არს მათგან განაწესია.

აქა კვალად სულტან ჯალალდინის შემოსვლა ავიან ათაბაგის
დაბარება და რუსუდანის თვის ცოლად თხოვნა და რუსუ-
დანის დიდი უარი და მისგან საქართველოს აოხრება და
სიონის ღვთის-მშობლის შეურაცხება.

მოვიდა კვალად ჯალალდინ არს ათაბაგის
მშობია,
ეტყვის ათაბაგს ირწმუნე არა ვარ თქვენი მგმობია,
წადი და უთხარ რუსუდანს ჩემდ იქნეს შენამტკ-
ბობია,
შემომიერთდეს შემიტკბოს ვიქმნები თქვენი მტრ-
ფობია.

თუ არ ინებებს რუსუდან აღმოვეფხვრავ ქართ-
ლსა სრულობით,
რაც ხატ-ჯვარი გაქვსთ ყოველი მარგალიტ ოქროთ
მკულობით,
სრულად შევმუსრავ საყდართა ცყავ ნაქცევ შემე-
სერილობით,

სჯობს რომ დაბნებდეს არა ჰყოს ქართველი ჩემგან
კრულობით.

ათაბაგმან რქვა რუსუდანს ყოველი სულტნის
თქმულბი,
არცა თუ ესმნეს რუსუდანს სულტნისა შენათვლი-

ლები,
მცნობმან ჯალალდინ უარის მეფისგან დანაპირები,
მოადგა სომხითს აოხრა ქართლი ჰყო შენამკივრები.
ტფილისს მოადგა აღილა ჰყო სრულად ოხ-

რებულია,
სიონს გუმბათი ურღვია, ჰყო ზედ კათედრა დგმუ-
ლია,

აილო ხატი ღვთის-მშობლის ხიდზე ჰყო დადებულა,
გამწელელ-გამომგელელს უბრძანა ყოველმა ჰყავთ ნერ-
წყებულია.

მაშინ ეწამნენ მრავალნი ქართველთა ერთა
დასები,
სომეხნი ერთ პირხმობილნი ქრისტესთინ ორ გზის
ასები,

მას ეამს თათართა მოყვანდათ ტყვეთ ქართველთ
ყმაწვილ ხასებში,
ხოცდენ, სისხლი სდის ქართველთა თავი სქურეს ათ
ათასები.

მოსტყვევნა ქართლი, კახეთი, სომხითი გააოხ-
რა მან,
მეფემ ქუთაისს მყოფელმან ღმერთი არ მოიგონამან,
ჯალალდინ უკან გაბრუნდა ტფილისი სისხლით
ბანა მან,
ვინც ღმერთსა სძულობს, იცოდეს მყის რისხვა მო-
უვლინამან.

აქა სიბოროტი ბორგებულმან რუსუდან ქუთაისს მყოფელმან
მისწერა სიძესა თვისსა ყიასდინს და ამცნო ვითარმედ ძის-
წული ჩემი დავით ეწყობის ასულსა ჩემსა თამარს ცოლსა
შენსა და ვითარ არა გრცხვენის ჰყო მშური ბოროტა და
ეშმაკისა მანქანება.

ჰსწერს მეფე ქართველთ რუსუდან სულტანს
ყიასდინ სიძესა,
ვით არა გრცხვენის ძმისწული ჩემი შენს ცოლთან
ზმიდესა,
მასთან ექცევის გულის თქმით შენ კაცად არვინ
გხმიდესა,
მოკალ ეგ დავით რად გინდა შენსა სულტნობას
სერიდესა.

მშენი ყიასდინ სულტანი მკითხველი ამა წიგნისა განრისხდა, ცოლსა მოუხმო ვიცი საქმე გაცს ფლი-
რაც მზითვად აქენდა თამარსა ხატნი და ჯვარნი
სრულად შემუსრნა ამტერია ღვთის შიშსა არა რი-
დისა,

თამარს ცოცხით ჰსცა უწყალოდ აწ გმეო შენი რჯულია,
მყის აგმოზინა ქრისტე იქმნა სულითა კრულია,
დავით ლაშასქ ზღვას შერთო ეგონა მისთვის ლუ-
ლია,
ლადომან კიდურ განაგლო, უშთომლად შერჩა
სულია.

კიდურსა ზღვისას გააგლო ღმერთი მწე ექმნა
მშველელიად,
დავით ვაქარმან იზოვა იყო მის ვამო მპოვნელიად,
შინ წარიყენა ვაქარმან არვისად შესატყობელიად,
მაგრამ სცნა კვალად სულტანმან მის ზედ შეიქმნა
მძღველიად.

დავით წართო სულტანმან ვაქარსა ზემო-
თქმულსადა,
მღვიმესა ღრმასა შთააგლო ჰყოფს რუსუდანის ქმნუ-
ლსადა,
გველ ღრიანკელთა შესაქმლად კართა უყოფდა
ხმულსადა,
იმა ყმაწვილსა საბრალოს ღმერთი უღგემდა სულ-
სადა.

მას ყრმასა შეიღის წლისასა აქეს ხატი ყოვლად
წმიდისა,
მას ვედრება გულმდღურით ქებასა შესამიდისა,
ეგრეთვე ერთი მონახ დღიურ პუბს მიართმიდისა,
შესტირის ქალწულს მარიამს ვედრებით შეფარფვი-
ნისსა.

აქა მოსვლა ოთხთა ნიონთა, რომელიცა ზემო ვახსენეთ და
მთთან დაპრობა სრულად ქართლია და კახეთისა და ოთხ
ნაწილად გაყოფა ბრძანებით ჩინვის ყვენისათა.

მომართეს ქართლის სამზღვარსა ოთხთა სარ-
დალთა ნიონთა
პირველ ჯალალდინს ეკეთენენ ძლიერ შემუსრეს
ნიონთა,
მერმე მოვიდნენ ტფილისსა ქართლი დაიპყრეს ნი-
ონთა,

ქართველთ სიმბაგრეს მიმართეს ბრძოლა
რეს ნიონთა.

იგი სარდალნი ნიონი კაცობით იყენენ ქე-
ბულნი,
მხენი მამაცად მებრძოლნი ქუეა ცნობითა გე-
ბულნი,
ქართველნი სრულად შერიგდნენ არა ვინა ჰყვეს
ვენებულნი,
მოწყალებდ იყენენ ყოველთვის სცხოვრებდნენ გა-
ხარებულნი.

მეფე რუსუდან ქუთაის იყო მალულად ქცევითა,
მანცა უგზავნა დესპანი მყავითო შერიგებითა,
ჩემი ძე ნარინ მეფედ ჰყავთ მეცა მაცხოვრეთ შე-
ბითა,

ამისი მსმენნი ნიონნი შეიქმნენ გახარებითა,
რუსუდან ძესა უბრძანა, წადიო ნიონთ წინარე,
ფიცით მაჯერეს გულიდა არგინ არს შენი მწყინარე,
წარმოემართა დავით და ნიონნი დახვედს მცინარე,
ლილად პატივ სცეს, შეფიცეს ჩვენ არ ვართ შენი
მკბინარე.

აქა ნიონთავან ნარინ დავითის მანუგ ყვენის წინაშე წარ-
ხავნა.

მათ ნიონთ დავით წარგზავნეს ყვენს აცნობეს
წიგნითა,
ამას აღუთქვით მეფობა ფიცით და ჩენის პირითა,
აწ თქვენ გასინჯეთ ყველაი, თქვენ ჰყავით დანაპი-
რითა,
მივიდა დავით ქართველთით გულითა შენამკვირითა.

მანუგ სცა დიდი პატივი, ყვენმან სახელდ-
ბულმან,
მოწყალებ იქმნა ქართველთზე მძლედ მტერზე ამა-
ლებულმან,
დავით მიეცა ნუგეში პირველ ღონითა კლებულმან,
მანუგ აღუთქვა მეფობა დროზედ გცე განლაღ-
ბულმან.

რუსუდანს ეგო პასუხი მშისწულის შეპირებვისა,
თვისის შეიღისა გაგზავნა რა სცნო, ძალი ხვდა
კლებისა,
ნაცვალი ღმერთმან მიავო, ჰირი სცა ნენულებისა,
გარდააცვლა რუსუდან, არგინ არს მთქმელი ქებისა.

აქა რუსუდანის გარდაცვალება თავისის ძის ნარინ დავითის
ყვენთან გაგზავნის მიზეზისათვის ჯავრით დასწეულდა და
მოკვდა.

როს მოკვდა მეფე რუსუდან, ქართველნი ძლიერ
ზრუნვიდნენ,



უმკვიდროდ დაშთა ქვეყანა, უმეტეს ამას კმუნვიდენ, ლაშას ძე დაკარგულ იყო, ნიონთ ბრძანებას ის- მიდენ,

ნარინ ყენთან ცხოვრებდა უმეფოთ ქართველთ კმუნვიდენ

არ გაამეფა ყენმან რუსულან მეფის ძეოდა, ოთხნი ნიონნი მთავრობდენ, დეცა ქართველთ

სეოდა, მხარკსა ართმეოდენ ქართველთა წარხდა ივერთა

მზოდა, ჯარად გაჰყვანდათ ქართველნი გულღობილი ეგრეთ

მხნოდა. შეწუხდენ გიორგიელნი ნიონთგან შეჰქირავ- ბითა,

მსახურებდიან, ჰყმობდიან მათთა დარიგებითა, ბოლოს ქართველთა რჩევა ჰქმნეს ღეთის-მშობლის

შევედრებითა, ჰსძებნეს ლაშას ძე დავით და სცნეს მღვიმის პატიმ- რებითა.

აქა ვაჭრისა მოსვლა.

მოვიდა იგი ვაჭარი ლაშას ძის ზღვისა მპოე- ნელი,

ცოცხალ არისო ქართველთა თქვენი მემკვიდრე მპყრობელი,

მე ვაოვე იგი ზღვის კიდეს სულტანი მექმნა მსო- ბელი,

წამართო დავით მღვიმესა შთაგდო უკურნებელი. აწ დავით არის მღვიმესა სულტნისგან შეჰპყრო- ბილია,

სულტანს ჰგონია მოკვდავო მაგრამ ღვითთ ცოც- ხლებულია,

ქართველთა ამის მსმენელთა შეუდგათ სიხარულია, მისივე მივიდენ ნიონთთან სიტყვა რქვეს ხშირებუ- ლია.

ჩვენ მოგახსენებთ ქართველნი ერთობით აქა ყრილობით,

ჩვენი მემკვიდრე მეფის ძე დავით ჩვენგანვე ზრდი- ლობით,

სულტანს ტყვედ უზის მღვიმესა რუსულანისა ქმნი- ლობით,

მისწერეთ სულტანს მოკავცეს არ შეგვქმნას აცა- შლილობით.

აქა ნიონთგან სულტნისა წიგნის მიწერა და დავით ლაშას მეფის ძის თხოვნა.

განჰკვირდენ იგი ნიონნი რუსულან მეფის კმნასადა,

მისივე მისწერეს ნიონთა სულტანს უზემდენ თქმა- სადა,

წარმოავლინე მისი დავით მღვიმეს რომ გიზის ვინ სადა,

არ ისმენ მისივე მოივლენ ჩვენსა უძლეველ ხმა- სადა.

რა ესმა სულტანს ყიასდინს შეიპყრა განცვიფ- რებამან,

ნუ თუ ცოცხალ არს დავით და აცვიფრა განკვირ- ვებამან,

ნახეს მღვიმესა ცოცხლებდა დაიცვა ღეთისა ნებამან, ხუთ წელ გველთა თან ცხოვრებდა ვერ აფნეს მათ-

მან კბენამან. თუ კაცსა ღმერთი ასსოვდეს აქენდეს მისდამი გონება,

ღე ღმერთო მიხსენ ცოდეილი მაქვს გულით შენი მონება,

არა გასწირავს მას ღმერთი რაც შეემთხვიოს მას ვნება,

ღმერთი არა გრწამს წარგიხდეს სიმდიდრე ყოვლი ქონება.

აქა დავითის აღმოგვანება სულტნის უიასდინი- საგან მღვიმით.

აღმოიყვანეს დავითდა სახითა ვითა სნეული, ხუთ წელ მგდებარე მღვიმესა ენინ სიმართლითა სერეული,

რუსულან მეფის სიტყვითა მისის ენითა ძლეული, აბანეს კარგსა აბანოს იყო ვით გარდაარეული.

თვესა ერთსა პატივითა სულტანი ჰყოლს შენა- ხულსა,

სამეფოსა სამოსელსა შემოსდიან შეცა-მყოლსა, მას მოეცა გონებანი პატიმრობით დაკარგულსა,

მადლობს ღმერთსა სიცოცხლისთვის აფედრებდა კვა- ლად სულსა.

ქართული
წარმოგებდა

აქა დავით მეფის ლაშას ძის მოსვლა ოთხთა მათ ნიონთა
თანა და მათ ნიონთაგან დავითისაც წარგზავნა მანუგ ყვენისა
წინაშე.

აქა მანუგ ყვენისაგან ძისა თვისისა ულუმისა ბაღდადსა
ზედა დიდის ჯარითა მის ულუმისაგან ბაღდადის
აღება იქილამ ზიბრუნება ქართლს ადრბაგანს დაჯდომა და
ოთხთა ნიონთა წილ თვით დაუწყუო ვაგება და ეგრეთვე საქარ-
თველოსაცა.

წარმოიყვანეს ლაშას ძე დავით სიბრძნითა ესე-
ბული,
ქართველნი წინა მიმგებნი არიან მყისად ხლებული,
მსწრაფლად უმზადეს სამეფოდ სრა დიდ ჰყვეს გან-
შეწებულნი,
ნიონთა ნახეს პატივსცეს ჰყვეს დიდად განსვენე-
ბული.

წარმოემართა მოვიდა აოხრა ბაღდათთ მზლუა-
რია,
მინდორი სპათა ხელთ ეპყრათ ეგრეთ კლდე ტყენი
გორია,
მოზრუნდა გამარჯვებული ტკბილ ენა მოუბარია,
ულუმ მასცემდა წყალობას ახლოს დავიც-ჰყვა
შორია.

ვერცა დავითს სცეს მეფობა ნიონთა განწესე-
ბულითა,
იგიც წარგზავნეს ყვენთან მათ ყოლე სიბრძნით
ესებულითა,
ქართველთა ჰქმუნვა შეუღდათ უმეფოდ გაქირვე-
ბულითა,
დავით ყვენთან მივიდა მის ტახტთა ამაღლებულითა.

მოვიდა ქართლის სამზღვარსა ადგილსა ადრა-
ბაგანსა,
იგი ნიონნი მყის იქმნენ მის წინა მიმგებმასა,
სრულად ქართველნი ეგრეთვე ჰყოფენ მათთანა ხლე-
ბასა,
ულუმ ქართველთა პატივსცა მიეცნენ გახარბმასა.

მანუგ ყვენმან პატივი სცა დავით ლაშას ძე-
სადა,
იყვარა მეფის ძე დავით უმეტეს ნარინს ზედ სადა,
მამაცსა ლაშას ძეს დავითს ბეტობით სხვათა მხნე-
სადა,
ორნივე დავითნი ყვენსა მუნ ახლდნენ უხვსა მძლე-
სადა.

მოვიდა ულუმ და დაჯდა ტახტი მიიღო სვი-
ანად,
ნიონნი უკუ აყენა თვით იქმნა განგებინად,
დალოცეს ყოვლითა მორჩილთა ხარმცაო კეთილ
გზინად,

მანუგ ყვენსა ორი ძე ჰყვა ფრიად საყვარელია,
ყუბულ უფროსი ულუმცა უნცროსად სასურველია,
ეს ძმები მეფის შვილები ურთერთის მოყვარულია,
ყვენმან მანუგ უბრძანა უნცროს ძეს საქმე სრულია.
ამხედრდი წაიღ ჯარითა ბაღდადი მოვიდნ სრუ-
ლებით,
ჩემი უორ ჰქმნილი ყველოა ჰყავით ერთობ კრულო-
ბით,
ისმინა მყისად ბრძანება სვლად ჰყოფს ჯარს დარაზ-
მულობით,
იახლდნენ რაზმი ყოვლითგან მშვენიერ აღკაზმულო-
ბით.

ქართველნი უპატრონონი მას ემონებენ ჰქვიანად,
ქართველთა მეფის შვილები მანუგთან იყოფე-
ბიან,
თუმცა ყვენი წყალობდათ მაშინცა ჰქმუნვარებდინან,
დავით პირველი ლაშას ძე და დავით ნარინ ებდინან,
ორნივე ერთად მოწყენით ურთი-ერთს შესტირებ-
დინან.

მ ი ნ ა ა რ ს ი :

სალიტერატურო განმარტება: ვასილი ივანეს ძე
შეშიაკინი საქართველოს საექსპროსოშეცხაბალი ამბები და
შენიშვნები.—საუკეთესო საშუალება შრეველთა ცხოველთა
გასაუმჯობესებლად.—ქ. ყაზანი და სასულიერო კონცერტის
გამო.—ოჯახის კერა, მამაკაცი და დედაკაცი.—ვერა ილარი-
ონის ასული ჯაფარიძე (ნეკროლოგი).—წერილი რედაქტორ-
თან.—საქართველოს ძველი დროის თავდადასავალი, საისტო-
რიო მასალა.

რედაქტორ-გამომცემელი დეკ. დ. ლაშაშვიდი.

Редакторъ-Издатель П. Д. Гамбашидзе.

Дозволено цензурою, Тифлисъ, 14 юня 1898 г. ♦ Цензоръ прот. Е. Елизеи.

Типог. редакция журн. „Пастыръ“ (П. Д. Гамбашидзе) въ Кутаисѣ, въ д. бр. Хандановыхъ, на Нѣмецкой ул.